

ახალი სარსაბსუდი

404 (12) 21 აგვისტო, 2019 წ.



ხარაგაულის მუნიციპალიტეტის მერმა ადმინისტრაციული ერთეულის წარმომადგენლებთან თათბირი გამართა

ხარაგაულის მუნიციპალიტეტის მერმა ნიკოლოზ თოფურაძემ ადმინისტრაციულ ერთეულებში მერის წარმომადგენლებისგან არსებული ვითარებისა და პრობლემების შესახებ ინფორმაცია მოისმინა. საუბარი იყო „სოფლის მხარდაჭერის პროგრამის“ ფარგლებში დაფინანსებულ პროექტებზე. მუნიციპალიტეტის სოფლების უმრავლესობაში ხელშეკრულებები

გაფორმებულია და სამუშაოები მიმდინარეობს. შეხვედრაზე განიხილეს ინფრასტრუქტურულ პროექტებზე არსებული პრობლემები. მერის ინფორმაციით, მენარმეები, რომლებიც ვალდებულია ვერ ასრულებენ, სანქციების თანხლებით მუშაობენ, ან უწყდებათ ხელშეკრულებები. ნიკოლოზ თოფურაძემ წარმომადგენლებს ხალხთან მეტი კომუნიკაციისკენ მოუწოდა.

საზოგადოებრივი ნიკოლოზ თოფურაძე ლოკაში მოსახლეობას შეხვდა

ლორეში, კვადოურას უბანში, 30 ოჯახზე მეტი ცხოვრობს. სოფელი ზაფხულის განმავლობაში თითქმის ივსება. წელიწადის ამ დროს ლორეში ათობით დაკეტილი სახლის კარი იღება. აქა-იქ ახალმოსახლეობის მსურველთა მიერ სახლების მშენებლობასაც შეამჩნევთ. ლორეშიმდე მისასვლელი ცენტრალური გზა რეაბილიტი-



რებულია. კვადოურას უბანში კი, ჯერ კიდევ უჭირთ ადგილობრივებს გადაადგილება. განსაკუთრებით ერთი მონაკვეთი იმდენად ამორტიზებულია, რომ წვიმის დროს ავტომობილით გავლა შეუძლებელია. ხარაგაულის მერი კვადოურას უბნის მოსახლეობას შეხვდა და გზის აღნიშნული მონაკვეთი მათთან ერთად დაათვალიერა.

ნიკოლოზ თოფურაძის ინფორმაციით, 1 000 -მეტრიანი გზის პროექტი უკვე მომზადებულია და ექსპერტიზაც გავლილია. „თუ ხარაგაული, ინფრასტრუქტურის რეაბილიტაციისთვის, წელს დამატებით თანხებს მიიღებს, კვადოურას მოსახლეობის მოთხოვნა წელსვე დაკმაყოფილდება“, - განმარტა მერმა შეხვედრაზე.

ლაუბახეა მოწიბი საბუჯაო ცხილა ლაუბახეა

14 აგვისტოს გამართულ საკრებულოს რიგგარეშე სხდომაზე დეპუტატებმა საბუჯაო ცვლილება განიხილეს. საკითხი მერიის სახაზინო-საბუჯაო დაგეგმარების განყოფილების უფროსმა ნინო მაღლაკელიძემ წარადგინა. მოხსენებითი ბარათის თანახმად, სტიქიის შედეგების სალიკვიდაციო ღონისძიებების განხორციელებისათვის ხარაგაულის მუნიციპალიტეტმა დამატებით 300 000 ათასი ლარი მიიღო. საერთო ჯამში ამ მიმართულებით 570 000 ლარია გამოყოფილი. აღნიშნული თანხიდან 495 000 ლარი დაზიანებული გზის რეაბილიტაციისათვის მიიმართება, 75 000 ათასი ლარი კი- ხიდების აღსადგენად. გარდა ამისა, სტიქიის პრევენციის სახელმწიფო პროგრამის დაფინანსების მიზნით, მუნიციპალიტეტს დამატებით 55 080 ლარი გამოეყო, რომლის ფარგლებშიც უნდა მოხდეს დაბა ხარაგაულსა და მიმდებარე სოფლებში სტიქიური მოვლენების პრევენციის მიზნით მდინარის კალაპოტის განმენდა და სანიაღვრე არხებისა და სახიდე გადასასვლელების მოწყობა. საბუჯაო ცვლილების თანახმად, ჯარიმის გადასახდელად 21 166 ლარით გაიზარდა ა(ა)იპ „სპორტისა და შიდა ტურიზმის ცენტრის“ სუბსიდია. როგორც ცნობილია, ავტომაგისტრალის მშენებლობის გამო საავტომობილო გზის განვითარების ზოლში მოქცეულია ხევის საზოგადოებრივი ცენტრი და საბაგე-



ვო ბალი. იმის გამო, რომ ვერ მოხერხდა სახელმწიფოს საკუთრებაში რეგისტრირებული მიწის ნაკვეთის მოძიება, სადაც ახალი მშენებლობები მოხდება, საჭირო გახდა კერძო პირთან შეთანხმებით მიწის ნაკვეთის შესყიდვა, რომლისთვისაც, დაახლოებით, საჭირო იქნება 38 000 ათასი ლარი. მიწის შეძენა მოხდება მერიის ხარჯებიდან და შესაბამისად დაფინანსების წყარო იქნება ჯარიმებიდან მიღებული შემოსავლები 38 000 ლარი. სახაზინო-საბუჯაო დაგეგმარების განყოფილების უფროსის განმარტებით, 2019 წლის 7 აგვისტოს ხარაგაულის მუნიციპალიტეტის ბიუჯეტს დაუბრუნდა გზების რეაბილიტაციაზე წინა წელს გადარიცხული 146 376 ლარი, კერძოდ, ხიდის შარიქაძეების უბნის გზის რე-

აბილიტაციის 69 041 ლარი, ვარძიის გზის რეაბილიტაციის 70 017 ლარი და შესაბამისი თანადაფინანსების თანხა 7319 ლარი; ასევე მოხდა ლორეშისა და სარგვეშის ხიდების რეაბილიტაციის თანხების- 15 000 ლარის - დაბრუნება. შემოაღნიშნულიდან გამომდინარე, გაიზარდა მიმდინარე წლის ბიუჯეტი შემოსულობების ნაწილში და განისაზღვრა 16 733 000 ლარით (მ. შ. წინა წელს აუთენტიკური და მიმდინარე წელს დაბრუნებული სახსრები - 1 127 000 ლარი). ხოლო გადასახადების ნაწილში 2019 წლის ბიუჯეტი 21 422 400 ლარით განისაზღვრა. საბუჯაო ცვლილებას დეპუტატებმა მუხლობრივად უყარეს კენჭი და დაამტკიცეს. საკრებულოს ამავე სხდომაზე მონეულ იყვნენ მერიის ინფრასტრუქტურისა და კეთილმოწყობის სამსახურის უფროსი თემური თაბუკაშვილი და მერიის ზედამხედველობისა და არქიტექტურის სამსახურის უფროსი აფრასიონ ლურსმანაშვილი. დეპუტატებს სამსახურის უფროსებთან რიგი შეკითხვები ჰქონდათ. თუმცა საკრებულოს სხდომაზე მოხდა დაპირისპირება. რამდენიმე დეპუტატმა სიტყვიერი შეურაცხყოფა მიაყენა მერიის წარმომადგენლებს, რის გამოც, სამსახურის უფროსებმა სხდომათა დარბაზი დატოვეს. **ლელა გუგულაშვილი**

სტიქიით დაზიანებული ლეღვის ცენტრალური გზის მშენებლობა იწყება

ხარაგაულის მუნიციპალიტეტში 7 ივნისის მომხდარი სტიქიის შედეგად დაზიანებული ლეღვის ცენტრალური გზის მშენებლობა იწყება. ტენდერში გამარჯვებული კომპანია შპს „მათე“ სამუშაოებს 138 900 ლარად შეასრულებს. პირველ ეტაპზე მიმდინარეობს დაზიანებული და ჩამოშლილი მასალისგან გზის გასუფთავება. სახელშეკრულებო პირობებით კომპანიამ სამუშაოები 70 კალენდარულ დღეში უნდა დაასრულოს. პროექტის ფარგლებში მოხდება ნაპირსამაგრი გაბიონების მშენებლობა და გზის ჩანყვეტილი მონაკვეთების აღდგენა.

ხარაგაულში საჯარო სკოლების ინფრასტრუქტურის მოსაწესრიგებლად 410 000 ლარი დაიხარჯება

ხარაგაულის საგანმანათლებლო რესურსცენტრის უფროსი მარინე ვეფხვაძე დაბის მე-3 საჯარო სკოლის სარეაბილიტაციო სამუშაოებს გაეცნო. პროექტის ფარგლებში რეაბილიტაცია უტარდება საკლასო ოთახებს, იცვლება ჭერი და იატაკი, რემონტდება ასევე, სპორტული დარბაზი და დერეფანი. აღნიშნულ სამუშაოებს შპს „ლაკა-2014“ 100 000 ლარად შეასრულებს. დაბის მესამე საჯარო სკოლის რეაბილიტაცია სახელშეკრულებო პირობებით 10 სექტემბერს უნდა დასრულდეს. გარდა ამისა, აქტიურად მიმდინარეობს სამუშაოები ნადაბურის საჯარო სკოლაში, სადაც სველი წერტილების მოსაწყობად 13 606 ლარი დაიხარჯება. ასევე სველი წერტილები მოეწყობა ლეღვის საჯარო სკოლაში, სამუშაოს შპს „ბორჯი“ 39 291 ლარად ასრულებს. სრული რეაბილიტაცია უტარდება თეთრანყაროს დაწყებითი სკოლის კორპუსს, რომელშიც დროებით კიციხის საჯარო სკოლის მოსწავლეები ისწავლიან. აღსანიშნავია, რომ კიციხეში საჯარო სკოლის ახალი შენობა აიგება. მუნიციპალური განვითარების ფონდმა ხელშეკრულება უკვე გააფორმა კომპანიასთან, რომელიც, პირველ რიგში, პროექტს მოამზადებს და შემდეგ სამშენებლო სამუშაოებს შეასრულებს. 150 მოსწავლეზე გათვლილი სკოლა Design-Build მეთოდით აშენდება და მასზე 2 420 643 ლარი დაიხარჯება. სახელშეკრულებო ვადებით პროექტი 5 თვეში უნდა მომზადდეს, ხოლო სამშენებლო სამუშაოები 12 თვეში დასრულდეს. 2020-2021 სასწავლო წელს კიციხის სკოლა ახალი შენობით შეხვდება. სამუშაოები აქტიურ ფაზაშია სალანძღის საჯარო სკოლაში. რეაბილიტაცია უტარდება სასკოლო ოთახებსა და დე-



რეფანს. ასევე ბორის საჯარო სკოლაში იგება ლამინირებული იატაკი. სასკოლო ოთახები, იატაკი და სველი წერტილები კეთდება ლორეშის საჯარო სკოლაშიც. რაც შეეხება მოლითის საჯარო სკოლას, აქ სახურავის შეცვლა მიმდინარეობს. აღსანიშნავია, რომ მიმდინარე წელს ხარაგაულის საჯარო სკოლებს ინფრასტრუქტურის მოსაწყობად სახელმწიფო ბიუჯეტიდან 410 000 ლარი გამოეყო და თანხები იმ სკოლებზე გადანაწილდა, სადაც ინფრასტრუქტურის მხრივ ყველაზე სავალალო მდგომარეობა გახლდათ. **კეკე შავიძე**

სარაგაულის საკათედრო ტაძარში პირველი წირვა აღევლინა

12 ივლისი სარაგაულის ისტორიაში ერთ-ერთი მნიშვნელოვანი დღეა. მაცხოვრის შობისა და თორმეტი მოციქულის სახელობის ახლად აშენებულ საკათედრო ტაძარში პირველი წირვა-ლოცვა ჩატარდა.

საკათედრო ტაძრის მშენებლობა მუნიციპალიტეტში ათწლეულია, მიმდინარეობს. დღეის მდგომარეობით მოპირკეთებულია მხოლოდ პირველი სართული და სამუშაოები ჯერ ისევ გასაგრძელებელია. როდის ჩაეყარა საფუძველი სარაგაულში ტაძრის მშენებლობას და ვისი შემოწმებით შენდება ამის შესახებ ფონდის დირექტორი ბატონი ცეზარ ბუბულაშვილი გვესაუბრება:

„ქრისტიანული სარწმუნოების ორ ათეულ საუკუნეზე მეტ დროში სარაგაულში ტაძარი არ ყოფილა. ტაძრის ფუნქციის შესრულება გადაწყვიტა, წარმოშობით, ვარძიელმა რომანოზ დეკანოზიძემ თავის კუთვნილ სახლში ერთ სართულზე სამლოცველოს გახსნით, რომელსაც საბჭოთა წყობილების დამყარების შემდეგ მილიციისა და სამხედრო კომისარიატის განსათავსებლად იყენებდნენ. მეოცე საუკუნის 80-იანი წლების მიწურულს ქვეყანაში აზვირთებულ ეროვნულ მოძრაობას ხარაგაულელი პატრიოტი ახალგაზრდები შეუერთდნენ და გია თავზარაშვილის, ეკა შველიძის, ირინე ჩხეიძის, თემურ ფციქელაძის, ნოდარ სამხარაძის, დიმიტრი ბოგვერაძის მოთხოვნას რომანოზ დეკანოზიძის სახლიდან მილიცია და სამხედრო კომისარიატი გამოეხსალა და იქ სამლოცველო სახლი აღედგინათ, მაშინდელმა ადგილობრივმა საბჭოთა მთავრობამ მხარი დაუჭირა. შენობა გათავისუფლდა და სამლოცველო სახლის მოწყობა დაიწყო. სახლის წინ 500 კვადრატული მეტრი მიწის ფართიც გამოიყო ახალი ტაძრის ასაშენებლად. დაიწყო აქტიური მოძრაობა, თანხების შეგროვება, ადგილობრივი ბიუჯეტიდანაც სოლიდური სუბსიდირება იქნა გადარიცხული. აქტიურობდნენ ცალკეული პიროვნებებიც. თითქმის დაიწყო ტაძრის მშენებლობა, გაკეთდა ბალავრის ნერტილოვანი ორმოები, სამშენებლო მასალების შემოწმებით სამშენებლო ქვისა და რკინის რაოდენობაც იყო. ფაქტობრივად, საქმის მსვლელობა მაშინ ამ საქმეს თავი ვერ გაართვას. ამოიჩქნელი ორმოები ბაყაყების ბუდედ იქცა, შემოწმებული თანხები აორთქლდა, რკინა ჯარიში ჩააბარეს, სამშენებლო ქვებიც გაქრა. ამ ყველაფერს ხელს უწყობდა ქვეყანაში არსებული რევოლუციური მდგომარეობა და ამ საქმის მსვლელობა დამოკიდებულება. მე ამ ფაქტების მომსწრე ვარ, რაიონის ხელმძღვანელ ბირთვში ვმუშაობდი და კარგად ვიცი, ვის რა უკეთებია და ვის რა წვლილი შეუტანია ამ საქმეში. სარაგაულში ტაძრის მშენებლობას საფუძველი ჩაეყარა 2007 წლის გაზაფხულზე ტაძრის მშენებლობის ფონდისა და მისი დებულების შექმნით, რომლის განკარგულებასაც ხელს აწერს რაიონის მაშინდელი გამგებელი კიაზო გამრეკელაშვილი. შეიქმნა მშენებლობის ფონდი მაშინდელი პარლამენტარის ჯაბა მალაქაძის თავმჯდომარეობითა და 11 ადამიანის წევრობით. იმავე წლის სექტემბრის ბოლო რიცხვებში ფონდის აღმასრულებელ დირექტორად მიმინიჭდა. ადგილზე ფონდის დებულებისა და შემოწმებული 161 ლარის გარდა სხვა არაფერი დამხვდნია, რომელიც მამა ფილიპემ გადმოგვცა. ყველაფერი დავიწყეთ თავიდან ახალი პროექტის მომზადებით, სამშენებლო ადგილის გაფართოებითა და მისი გეოლოგიური დაძვირებით, ძველი შენობების აღებით და სამშენებლო მოედნის მოწყობით, ყველაზე მთავარი - ფინანსების მოძიებით. ადგილობრივი ბიუჯეტიდან რისი შესაძლებლობაც იყო, გვირცხვადნენ. რაიონის მაშინდელი ხელმძღვანელი პირების თორნიკე ავალიშვილის, თემურ ჭიპაშვილის, გიგა გლუნჩაძის ძალისხმევით დამკვიდრდა აქცია -, ჩემი შესანიშნავი სარაგაულის საკათედრო ტაძრის მშენებლობას! და დღესაც გრძელდება. შემოწმებულია ყუთები დაიდაგა ზესტაფონში, თბილისში, გურიაში, ზღვისპირა ქალაქებში, რომელმაც კარგად იმუშავა და აქედან შემონატანმა სულ 153 ათასი ლარი შეადგინა. ერთლარიან აქციაში თითქმის მთელი რაიონი - ყველა მოსამსახურე, კონსტრუქტორი, პენსიონერი, ახალგაზრდა ჩაერთო. ქვეყნის მაშინდელმა პრეზიდენტმა მიხეილ სააკაშვილმა 20 ათასი ლარი ჩაგვირიცხა. ასე შეიქმნა ტაძრის მშენებლობის დაწყების საფუძველი. პირველი ბარი 2008 წლის 16 ივლისს დაიკრა და მძიმე ტექნიკის გამოყენებით დავიწყეთ საბალაჯრე ღრმულიდან გრუნტის ამოღება. 7 მეტრზე სიღრმეში ჩავედით მასიურ კლდეში და სწორედ გრუნტების სიმტკიცემ და ზედაპირულმა რელიეფურმა მდგომარეობამ განაპირობა ორ სართულზე ტაძრის მშენებლობა, რომელსაც თავის დროზე სკეპტიკოსთა შეფასებები არ დაჰკლებია, მაგრამ, ღვთის წყალობით, სწორი მენეჯმენტით, ჩვეული პრინციპუ-



ლობით და ჩვენი ეპარქიის მაშინდელი მმართველის მიტროპოლიტ ვახტანგის (ახვლედიანი) და რაიონის ხელმძღვანელობის დახმარებით ყველაფერს ვაუძელით და, რაც შესაძლებელი იქნა, სახეზეა და ახლა განსაჯონ. ტაძრის მშენებლობა ადვილი არაა, ასე რომ ყოფილიყო, უფრო ადრე იქნებოდა აშენებული. პირველი სამშენებლო ქვა 2009 წლის 24 აპრილს დაშენდა. სარაგაულს უკვე ამშვენებს ძველი ჩუქურთმებით, ორნამენტებითა და წმინდანთა ბარელიეფებით დაზუნძილი მაცხოვრის შობის საკათედრო ტაძარი, რომელზეც გასული წლის 21 ოქტომბერს ჯვარი აღიმართა და ამა წლის 12 ივლისს პეტრე-პავლობის სადღესასწაულო წირვა მარგვეთისა და უბისის ეპისკოპოსმა, მისმა ყოვლადუსამღვდელოესმა მელქისედეკმა (ხაჩიძე) სარაგაულელ მრევლთან პირველად აღავლინა და ამიერიდან ყველა საეკლესიო რიტუალი იქ ჩატარდება. ის რომ, ათი წელი გაგრძელდა ტაძრის მშენებლობა, ეს არცთუ საგანგაშო ფაქტია. დაფინანსების ადეკვატურია მშენებლობის მიმდინარეობა, მაგრამ სარაგაულის სინამდვილეში უფრო მძიმე ვითარებასთან გვეკონდა საქმე. თითქმის ორი წელი 2014 წლის აგვისტოდან 2016 წლის 20 აგვისტომდე არ მიგვიღია არცერთი ლარი სუბსიდია ადგილობრივი ბიუჯეტიდან, არადა, საკრებულოს გადაწყვეტილებით, ამ პერიოდში ტაძრის მშენებლობისთვის 200 ათას ლარზე მეტი იყო ჩადებული ბიუჯეტში. ამიტომ გადაინა მშენებლობის დასრულებამ ორი წლით. ეს არის კონკრეტული მიზეზი მშენებლობის გაჭიანურებისა.

ვისი შემოწმებით შენდება ტაძარი და რამდენად აქტიურია მოსახლეობა?

ტაძარი შენდება მრევლისა და ხელისუფლების შემოწმებით. პირადი შემოწმებით აქტიურობენ: ყოფილი გამგებელი თორნიკე ავალიშვილი და აშუამდგომელი მერი ნიკოლოზ თოფურაძე, საკრებულოს თავმჯდომარე მანანა ბარბაქაძე, საკრებულოს ყოფილი თავმჯდომარეები: თემურ ჭიპაშვილი, გიგა გლუნჩაძე და ინგა მალაქაძე. დღემდე რაც აშენებულია და გაკეთებულია, 900 ათას ლარზე მეტი არ არის გახარჯული. ეს მიღწეულია რაიონის მოსახლეობის მასიური მონაწილეობით სამშენებლო სამუშაოებში და განსაკუთრებით კეთილმოწყობის თანამშრომლების სისტემატიური და აქტიური მუშაობით, თანხების ეკონომიური ხარჯვით, სწორი მენეჯმენტითა და ზუსტი აღრიცხვით. ირაკლი ებანოძის ამ მშენებლობისადმი კეთილი დამოკიდებულებით და ბევრი სხვა სწორი ოპერაციების ჩატარებით. 2009 წელში რაიონში 30 ათასი ლარის ტენდერის სამუშაოებს აწარმოებდა ლერი მეტრეველი და ტაძრის მშენებლობისადმი მიძღვნილ მართონში 3 ათასი ლარი შემოიტანა. ამ ბოლო წლებში 30 მილიონზე მეტი სატენდერო სამუშაოები მიმდინარეობს და არათუ თანხა, არამედ მცირე სამშენებლო მასალა არ გაუმეტებიათ ტაძრისათვის.

რა სამუშაოები კიდევ განსახორციელებელია და როგორ იქნება მომავალში დასრულებული ტაძარი, ასევე, როგორ მოეწყობა ეზო?

ღვთის მდგომარეობით მოპირკეთებულია მხოლოდ პირველი სართული და სამუშაოები ჯერ ისევ გასაგრძელებელია. როგორია ტაძარი, მისი გარე სახე, მშენებლობის ხარისხი, ეს სპეციალისტების განსჯის საკითხია და საბოლოო შეფასებას დრო გააკეთებს. მჯერა, 21-ე საუკუნის ნიკორწმინდად დარჩება სარაგაულის ტაძარი. კიდევ ბევრი სამუშაოა შესასრულებელი. მიუხედავად იმისა, რომ წირვა უკვე ტარდება, პირველი სართული არ არის დასრულებული. მასში პაერაციის პრობლემა უნდა მოწესრიგდეს, შესასვლელი მოეწყოს და შიდა მხარე მოსახატად გადაიღოს. ზედა ტაძარი მთლიანად მოსაწყობია. ხელოვნების ჯგუფი შერჩეულია და ფინანსური შესაძლებლობა როცა გვექნება, დავიწყებთ. დარჩენილია 5-6 თვის სამუშაოები, 261 ათას ლარზე მეტი საპროექტო სახარჯთაღრიცხვო ღირებუ-

ლებისა და ახლა თანხის მიღებაზე ვართ დამოკიდებული. ზედა ტაძრის სარკმელებისა და კანკელის პრობლემები მოხსნილია. ამას კარგი ადამიანები პირადი შემოწმებით გვიკეთებენ. უპირველესია ლესვის სამუშაოები და იატაკის დადება. ახლოვანი იქნება ეზოს მოწესრიგების საკითხიც. ტაძარი გალავნით უნდა შემოიღოს და სამრეკლოც უნდა აშენდეს. ძნელია, წერილობით წარმოაჩინო, როგორი სახე ექნება ბოლოს ტაძარს და მის შემოგარენს. მე მაქვს ამის წარმოდგენა და შემოიღია დავარწმუნოთ, რომ ეს, არა მარტო რაიონში და ეპარქიაში, არამედ მთელ საქართველოში იქნება ერთ-ერთი ადგილი, ადამიანის სულის ამაღლებისა.

შემოწმებით ძველი ქართული ორნამენტების ჩუქურთმებით შესრულებული კომპოზიციები ამშვენებს ტაძარს. ვაგრძელებდა თუ არა მომავალში სახელობითი ჩუქურთმების აქცია?

შემოიღია გითხრათ, რომ სახელობითი ჩუქურთმების აქცია გავგრძელებდა. მაგრამ აქვე გეტყვით, რომ სხვა ბევრი რამე სჭირდება ტაძარს და შეიძლება ამ კუთხითაც შემოწმდეს.

როგორც ჩვენთვის ცნობილია, მშენებლობის პარალელურად მზადდება დოკუმენტური წიგნი. ძირითადად რა იქნება წიგნში აღბეჭდილი?

ის რომ, მშენებლობის ყოველდღიურ ჩანაწერებს ვაკეთებთ და ყოველთვიურ შეჯამებას ვაქვეყნებთ გაზეთითა და ინტერნეტით, ეს არის მშენებლობის მატანე. ასე იქნება დო-



კუმენტური წიგნი, რომელშიც ზუსტი ფაქტები და თარიღები აღირიცხება. წიგნი იქნება სახელობითი ჩუქურთმების ილუსტრაციებითა და მშენებლობის ეპიზოდებით დატვირთული, რომ მომავალი თაობისათვის ზუსტი ინფორმაციები დაგვტოვოთ და იცოდნენ, ვის რა წვლილი მიუძღვის მის მშენებლობაში. ეს იქნება მხოლოდ და მხოლოდ დოკუმენტური მასალა, რეალური ფაქტების ფალსიფიცირება რომ ვინმემ ვერ შეძლოს, რის მცდელობასაც სარაგაულის სინამდვილეში აქვს ადგილი. ბევრის შიამომაველობა იამაყებს თავისი ნინაპრების მონაწილეობით და ტაძრის მშენებლობაში. ასევე ვამზადებთ დოკუმენტურ ვიდეო მასალას, თუ როგორ შენდება წლების განმავლობაში ტაძარი. კიდევ ერთხელ მაგადაც მინდა, გადავუხადო ყველას, ვინც შესანიშნავი გაიღო, ვინც ფიზიკურად იმუშავა, ერთი სანთელი დაუწია და უხარია ამ ტაძრის აშენება, ღმერთი იყოს მათი მფარველი!

სარაგაულის მუნიციპალიტეტში პროფესიული განათლების ცენტრის გახსნა იკვებება

აქართველო-უკრაინის სოციალურ ურთიერთობათა ინსტიტუტის არაფორმალური პროფესიული განათლების ცენტრი სარაგაულში პროფესიული განათლების ცენტრის გახსნას გეგმავს. სასწავლებელში, გასაუბრების საფუძველზე, IX და XII კლასდამთავრებულები, ასევე X, XI, XII კლასების მოსწავლეები მიიღებენ. დაინტერესებულ პირებს შეეძლება, დაეფიქსონ შემდეგ სპეციალობებს: კომპიუტერული ტექნოლოგიები; კომპიუტერული ინჟინერია; დაცვა-პატრულირება; გარემოს დაცვა; კრიმინალისტიკა; ბანკის ოპერატორი; ფარმაცევტის თანამშემგ; კბილის ტექნიკოსი; სამკურნალო მცენარეების დამამზადებელი; ხილ-ბოსტნეულის პირველადი გადამამუშავებელი; ვეტერინარი; ბავაბალის აღმზრდელი; კონსერვაციონალი; გიდი, ტურიზმი.

აღსანიშნავია, რომ საქართველო-უკრაინის სოციალურ ურთიერთობათა ინსტიტუტი 2009 წლის თებერვალში დაფუძნდა და, მიუხედავად არც თუ დიდი ხნის ისტორიისა, მაინც შეძლო საკუთარი ხელნერის საგანმანათლებლო კერად ქცეულიყო, განსაკუთრებით არაფორმალური პროფესიული განათლების სფეროში. სწორედ აღნიშნული ფორმის სასწავლო ცენტრები, ინსტიტუტის ეგიდით, მაღალ დონეზე ფუნქციონირებენ თბილისში, ოზურგეთში, ქიათურაში, ხაშურში, დუშეთში, ქობულეთში, ზუგდიდში, ამბროლაურში, საგარეჯოში, ნალკაში, გურჯაანში, ლაგოდეხში, თელავში, ახმეტაში... საზღვარგარეთის ქვეყნებში: საბერძნეთში, იტალიაში, უკრაინაში... და სხვა.

აღნიშნული ცენტრის დამფუძნებელი პროფესორი გარი ჩაფიძეა. ბატონმა გარამ უნივერსიტეტი მოსკოვში დაამთავრა, სხვადასხვა დროს მსახურობდა სანქტ-პეტერბურგში, ჩელიაბინსკში, კიევში, შემდეგ კი-საქართველოში, საპასუხისმგებლო და ნომენკლატურულ თანამდებობებზე. ამჟამად არის ჟურნალისტიკის საერთაშორისო ფედერაციის წევრი, ამერიკის შეერთებული შტატების ლინკოლნის უნივერსიტეტის პროფესორი, უკრაინის კადრების საერთაშორისო აკადემიის აკადემიკოსი, ქ. ჩერნიგოვის (უკრაინა) საკადრო პოლიტიკის საერთაშორისო ინსტიტუტის რექტორი. „ფაზისის“ მეცნიერებათა აკადემიის აკადემიკოსი. ამერიკის შეერთებულ შტატებში, პენსილვანიის შტატის ქ. ფილადელფიის საერთაშორისო პოლიტიკისა და მთავრობის ინსტიტუტში გარი ჩაფიძის სახელობისა. ასევე არის საქართველოს მწერალთა კავშირის წევრი, საქართველოს მოსწავლე-ახალგაზრდობის გაზეთ „ჩირაღის“ მთავარი რედაქტორი, საქართველოს იაკობ გოგებაშვილის სახელობის პედაგოგთა კავშირის თავმჯდომარე, საქართველოს სამეცნიერო-პედაგოგიურ ჟურნალ „სკოლა და ცხოვრების“ მთავარი რედაქტორი, საქართველოს გალაკტიონ ტაბაიძის სახელობის ლიტერატორთა კავშირის თავმჯდომარე, უკრაინის საერთაშორისო რეგიონალური აკადემიის ქ. რუსთავის საკონსულტაციო ცენტრის დირექტორი, უკრაინის უმაღლესი განათლების მეცნიერებათა აკადემიის წევრი, უკრაინის პენსიონების ავტორი 100-მდე მხატვრულ-ლიტერატურული წიგნისა და 90-ზე

მეტი სამეცნიერო ნაშრომისა, რომლებიც თარგმნილი და გამოცემულია მრავალ ენაზე.

როგორც ჩვენთან საუბარში ბ-ნ გარი აღნიშნავს, ის მზადაა, სარაგაულში პროფესიული განათლების ცენტრმა დაიწყოს ფუნქციონირება და ხელი შეუწყოს მომავალი თაობის პიროვნულ და პროფესიულ განვითარებას, ასევე მათ დასაქმებას.

„ჩვენთან, სასწავლო ცენტრებში, სტუდენტთა სოლიდური ნაკადის მიღება მიმდინარეობს. სასწავლებელში მოქმედებს თანხების ეტაპობრივად გადახდა. ასევე 30-50-70 და 100-პროცენტის განტვირთვა; უფრო მეტიც, პირველი კურსის წარჩინებით დახურვის შემთხვევაში, სტუდენტი არა მარტო გათავისუფლდება გასახადისაგან, არამედ სასწავლო სტიპენდიასაც მიიღებს. საყურადღებოა, რომ თანხის გადახდაში შეღავათებით სარგებლობენ ლტოლვილები, საქართველოს ერთიანობისთვის მებრძოლი ოჯახის წევრები და მრავალშვილიანები.“ -განაცხადა გარი ჩაფიძე.

შეგახსენებთ, რომ სწავლება სამწლიანია. სასწავლო გადასახადი წელიწადში 700 ლარია. კურსდამთავრებულები მიიღებენ სასწავლო პროგრამის გავლის დამადასტურებელ სამწიფო, ოქროსბეჭდიან დიპლომს.

დამატებითი ინფორმაციისთვის დარეკეთ: 595 51 98 12; მისამართი: სარაგაული, 9 აპრილის N15.

იზა-ქალი, პოეზია!..

სათქმელი, რომელიც იზა ვეფხვაძეზე მინდა, მოგახსენოთ, დიდი ხანია, დაგროვდა ჩემს ცნობიერებაში...

იზა ბოლომდე რომ შეიცნო, უეჭველად სცენაზე უნდა ნახო, დატყე მისი უბედლო ნიჭით, მჭევრმეტყველებით, უნიკალური მესხიერებით...



ლაღვანდოვნილმა და სხვებმა. ჩემი კითხვა პასუხაცემულია, თანაც ძალიან მალად დონეზე, თეატრის, კინოს, მეცნიერების, მწერლობის კორიფების დონეზე...

იზა შემთხვევაში საქმე გვაქვს თვითნაბად ტალანტთან, ეს კი ისეთი ფენომენია, უფლის ხელი რომ ურევია... იზას უპირავე ლექსი უძღვეს მხატვრული სიტყვის ოსტატებმა...

იზამ დაამტკიცა, რომ შეიძლება რაიონში ცხოვრობდე, მოღვაწეობდე და სრულიად საქართველოც გიცნობდეს, უყვარდეს... იზასთვის ხარავული სამყაროს ცენტრია...

იზას შემოქმედების, მისი სპექტაკლების შესასვლელად, ცოტაა სიტყვა-მონონება, ეს უფრო ალტაცებაა...

გამოგოცდებით და ხშირად მიფიქრია მის სცენურ პროფესიონალიზმზე. იზას ხომ თეატრალური ინსტიტუტი არ დაუმთავრებია...

მოდი, მოვუსმინოთ იზას ნიჭსა და სამსახიობო ხელოვნების შემფასებლებს:

გიგა ლორთქიფანიძე - „ერთი ადამიანის ნიჭს და შესაძლებლობებს ნამდვილად აღემატება ის, რაც მე ხარავაულის ლიტერატურულ თეატრში ვიხილე“.

ოთარ მეღვინეთუხუცესი - „მსახიობს მესხიერება როგორ უნდა გაგიკვირდეს, მაგრამ მართლა გამოიკა უმანგი ჩხვიდისადმი მიძღვნილ სპექტაკლზე იზა ვეფხვაძის მესხიერებამ, არტისტიზმმა და სიყვარულმა საქმისადმი“.

იზა ბუაჩიძე - „მე სიტყვები არ მოყვინს ხარავაულის ლიტერატურული თეატრის საქმიანობის შესამკობად. ბარაქაა, ამ ქართულ საქმეს!“



19 აგვისტოს ხარავაულის მუნიციპალიტეტის საკრებულოს ბიუროს მორიგ სხდომაზე დეპუტატებმა დღის წესრიგით გათვალისწინებული ხუთი საკითხი განიხილეს...

სხდომაზე ასევე განიხილეს „ფიზიკური და კერძო იურიდიული პირების მფლობელობაში (სარგებლობაში) არსებული თვითნებურად დაკავებულ მიწაზე საკუთრების უფლების აღიარების კომისიის“ მიერ გაწეული მუშაობის შესახებ ინფორმაცია...

აღნიშნული საკითხების შესახებ დეპუტატები უფრო ვრცლად 2 სექტემბერს გამართულ საკრებულოს სხდომაზე იმსჯელებენ.

ბრაუნის უბანს, უასაქოა, სოფლის სტატუსი მიანიჭოს

ბაზალეთის ადმინისტრაციული ერთეულის ბრაუნის უბნის მოსახლეობა ბრაუნის ცალკე სოფლად გამოყოფას ითხოვს. ადგილობრივების თხოვნით, სოფლის მუნიციპალიტეტის საკრებულოს უკვე მიმართა...

ლეობა, რაც იწვევს მათს პროტესტსა და სამართლიან გულსწყობას. აქედან გამომდინარე, მოსახლეობა ითხოვს ბრაუნის უბნის ცალკე სოფლად გამოყოფას...

ფელში სოციალურ-ეკონომიკური განვითარების გეგმისა და პროგრამის ეფექტურ განხორციელებას, რაც, საბოლოოდ, აისახება მოსახლეობის კეთილდღეობაზე...

საქართველოს მთავრობის დადგენილებით, სამხედრო სავალდებულო სამსახურში 2019 წლის საშემოდგომო განწვევა 15 აგვისტოდან დაიწყო და მიმდინარე წლის 28 დეკემბრამდე გაგრძელდება.

საქართველოს მთავრობის დადგენილებით, სამხედრო სავალდებულო სამსახურში 2019 წლის საშემოდგომო განწვევა 15 აგვისტოდან დაიწყო და მიმდინარე წლის 28 დეკემბრამდე გაგრძელდება.

ასაკი 18-დან და 27 -წლამდეა განსაზღვრული. შესაბამისი უწყებიდან ცნობა ყველა წევრამდელს გადაეგზავნა და ისინი ვალდებული არიან, უწყისის მისვლის შემდეგ 7-დან 14 დღის ვადაში გამოცხადდნენ დაწესებულებაში...

ში. თუ პირი, სხვადასხვა მიზეზის გამო, ვერ მოახერხებს სამხედრო სავალდებულო სამსახურის გაკლას, კანონის მიხედვით, უფლება აქვს, გადავადებით ისარგებლოს.

სარგვემის თემში სოფლის პროექტებით სამუშაოები დაიწყო

სოფელ სარგვეში ადმინისტრაციული შენობის რეაბილიტაცია და გზის კეთილმოწყობა მიმდინარეობს. აღნიშნული სამუშაოებისთვის 12 ათასი ლარია გამოყოფილი.

ანალოგიური მდგომარეობაა სოფელ ხორითშიც, სადაც საუბნო გზების კეთილმოწყობის მიზნით მენარმესთან ხელშეკრულება უკვე გაფორმებულია.

სადაც გამოყოფილი 10 000 ლარით ასევე, საუბნო გზების შეკეთებას გეგმავენ, ხელშეკრულება მენარმესთან რამდენიმე დღეში გაფორმდება და სამუშაოები დაიწყება.

საჯანსაღო უსაქის პრაქტიკოსი მასწავლებლისთვის ფინანსური დახმარება

განათლების რეფორმის ფარგლებში, საპენსიო ასაკს მიღწეული მასწავლებლები, რომლებმაც ნებაყოფლობით არჩევანის საფუძველზე პროფესიიდან გასვლა გადაწყვიტეს, 2019 წელს სახელმწიფოსგან ერთჯერად ფულად ჯილდოს - ორი წლის ჯამურ ხელფასს - მიიღებენ.

დირექტორს უნდა მიმართოს. იმ შემთხვევაში, თუ იგი ერთზე მეტ საჯარო სკოლაში ასწავლის, ფულადი ჯილდოს აღების მიზნით ვალდებულია შრომითი ურთიერთობა შეწყვიტოს ყველა საჯარო სკოლასთან. ამ შემთხვევაში ფულადი ჯილდო გამოითვლება თითოეულ საჯარო სკოლასთან გაფორმებული შრომითი ხელშეკრულების საფუძველზე.

ბელი ფულადი ჯილდოს მიღების შემთხვევაში, ხელშეკრულების შეწყვეტიდან 2 წლის განმავლობაში კვლავ გადაწყვეტს საჯარო სკოლაში მასწავლებლის ვაკანტურ პოზიციაზე დასაქმებას, ვალდებულია, დააკმაყოფილოს შესაბამისი მოთხოვნები (ზოგადი განათლების შესახებ) საქართველოს კანონის 213 მუხლით მასწავლებლის განათლებისთვის დადგენილი მოთხოვნები) და დააბრუნოს ფულადი ჯილდო სრული ოდენობით.

საკრებულომ ადმინისტრაციული სამსახურის მუშაობა დადებითად შეაფასა

საკრებულოს სხდომაზე დეპუტატებმა მერიის ადმინისტრაციული სამსახურის ანგარიში განიხილეს. საკითხის შესახებ ამავე სამსახურის უფროსმა კახაბერ გოლოზიანმა ისაუბრა. მომხსენებელმა ყურადღება გაამახვილა ყველა იმ განყოფილების მუშაობაზე, რომლებიც ადმინისტრაციულ სამსახურს ექვემდებარებიან.

საკითხის განხილვის შემდეგ დეპუტატებმა თავიანთი შეხედულებები დააფიქსირეს. იურიდიული, სამანდატო, საპროცედურო საკითხთა და ეთიკის კომისიის თავმჯდომარე ოთარ ლურსმანაშვილმა კომისიის დასკვნა წარადგინა, რომლის თანახმადც ყურადღება აუდიტის დასკვნაზე იქნა გამახვილებული. ლურსმანაშვილის თქმით, ადმინისტრაციულ სამსახურს შე-



ნიშვნების ნაწილი აქვს გამოსწორებული, რიგი ხარვეზები კი ისევ აღმოსაფხვრელია. დეპუტატმა აქვე აღნიშნა, რომ მერიასთან

კორესპონდენციის პრობლემაა. თუმცა იურიდიული კომისიის თავმჯდომარე და კომისიის წევრები ხედავენ ადმინისტრაციული სამსახურის მუშაობას და ანგარიშს დადებითი შეფასება მისცეს.

საფინანსო-საბიუჯეტო კომისიის თავმჯდომარე ვარლამ ჭიპაშვილი აცხადებს, რომ სამსახურის ანგარიში მშრალია და ძირითადად არის წარმოდგენილი ტექნიკური საკითხები. მიუხედავად იმისა, რომ აუდიტორთა შენიშვნების ნაწილი გაუთვალისწინებელია, ჭიპაშვილმა ადმინისტრაციული სამსახურის ანგარიში დადებითად შეაფასა.

საბოლოოდ, სხდომაზე მყოფი დეპუტატების უმრავლესობამ ადმინისტრაციული სამსახურის ანგარიში დადებითად შეაფასა.

თამარ მაღარაძე

დეპუტატებმა შილა აუდიტისა და მონიტორინგის სამსახურის ანგარიში განიხილეს

საკრებულოს მორიგ სხდომაზე დეპუტატებმა მერიის შილა აუდიტისა და მონიტორინგის სამსახურის ანგარიში განიხილეს. საკითხი ამავე სამსახურის მესამე რანგის უმცროსმა სპეციალისტმა როინ გელაშვილმა წარადგინა. მომხსენებელმა დეტალურად ისაუბრა მათ მიერ ჩატარებულ აუდიტორულ შემოწმებებზე. მომხსენებლის ინფორმაციით, საანგარიშო პერიოდი მოიცავს ექვსი თვის მუშაობას. ამ დროის განმავლობაში კი აუდიტორული შემოწმება ჩატარდა, როგორც საბიუჯეტო ორგანიზაციებში, ასევე სტრუქტურულ ერთეულებშიც. სამსახურის ანგარიშში საუბარია იმ შენიშვნა-რეკომენდაციებზე, რომლებიც შემოწმების შედეგად გაიცა. გელაშვილი ამბობს, რომ თითოეულ ორგანიზაციას ხარ-

ვეზების გამოსწორებლად ჰქონდა გარკვეული ვადა, თუმცა ყველა დარღვევისა და ხარვეზის აღმოფხვრა სრულად ვერ მოხერხდა.

დეპუტატებმა მოხსენებითი ბარათის გაცნობის შემდეგ საკუთარი პოზიციები დააფიქსირეს. საფინანსო-საბიუჯეტო კომისიის თავმჯდომარე ვარლამ ჭიპაშვილი ამბობს, რომ აუდიტის სამსახურმა გეგმის მიხედვით შეამოწმა სხვადასხვა ორგანიზაცია და, თავიანთი კომპეტენციიდან გამომდინარე, შესაბამისი დასკვნებიც დალო. მისივე თქმით, ის ხარვეზები, რაც აუდიტმა აღმოაჩინა, აუცილებლად უნდა იყოს აღმოფხვრილი. ჭიპაშვილმა სამსახურის ანგარიში კომისიის სახელით დადებითად შეაფასა.

ფრაცკია „ძალა ერთობაშია“ თავმჯდომარე თორნი-

კე ავალიშვილი დაინტერესდა აუდიტის მიერ ა(ა)იპ „დასუფთავებისა და კეთილმოწყობის სამსახურის“ შემომწმების შედეგად დადებული დასკვნის გაცნობა მოხდა თუ არა მერიისათვის? ავალიშვილმა ყურადღება დასუფთავების სამსახურზე გაამახვილა, რაზეც შილა აუდიტისა და მონიტორინგის სამსახურის თანამშრომელმა როინ გელაშვილმა უპასუხა, რომ ყველა აუდიტორული დასკვნა მერის წერილობით ეცნობება.

საბოლოოდ, დეპუტატებმა შილა აუდიტისა და მონიტორინგის სამსახურის ანგარიში დადებითად შეაფასეს.

თამარ მაღარაძე

ტირის ჩემპიონატი ხარაგაულში



ხარაგაულში წელს პირველად, მერიის კულტურის, განათლების, სპორტისა და ახალგაზრდულ საქმეთა სამსახურის ორგანიზებით, ტირის ჩემპიონატი ჩატარდა. მონაწილეები ერთმანეთს მიზანში სროლაში ეჯიბ-

რებოდნენ. ჩემპიონატი ჯერ მაღალი კლასის მოსწავლეებს შორის გაიმართა, შემდეგ კი აქტივობებში სხვადასხვა ორგანიზაციის წარმომადგენლები და მოხალისეები ჩაერთვნენ.

ახალგაზრდობის საერთაშორისო დღეს, მიზანში სროლის ჩემპიონატი ხარაგაულში განმეორებით ჩატარდა. ამჯერად ტურნირში მამაკაცებთან ერთად ქალებმაც მიიღეს მონაწილეობა.

ქალთა შორის პირველი ადგილი თვა ცანავამ დაიკავა, მამაკაცებს შორის კი -დავით კვიციანი.

გამარჯვებულები დაჯილდოვდნენ სიგელებითა და ფასიანი საჩუქრებით.

ლელვანში კარვების ბანაკი მოეწყო

კარვების ბანაკის ფუნქციონირებას ხარაგაულში ათწლეულების ისტორია აქვს. სპორტისა და შილა ტურიზმის ცენტრის ორგანიზებით, სოფელ ლელვანში ბანაკი წელს ორ ეტაპად განხორციელდა, რომელშიც მუნიციპალიტეტის მასშტაბით, 100-მდე ახალგაზრდა იყო ჩართული.

მიმდინარე წელს კარვების ბანაკი მონაწილეებისთვის იმ განწყობით დაიხურა, რომ ის შემდეგ წლებშიც აუცილებლად გაგრძელდება, ყოველი შემთხვევისთვის, შთაბეჭდილებები იმდენად კარგია, რომ ახალგაზრდებს ამის დიდი სურვილი აქვთ.

4-4 დღე სამჯერადი კვებით, სპორტული აქტივობებით და ინტელექტუალურ-შემეცნებითი თამაშებით, სოფელ ლელვანის არაჩვეულებრივ ბუნებაში მოზარდებმა შინაარსიანად გაატარეს.

ხარაგაულის მუნიციპალიტეტის მერი ნიკოლოზ თოფურიძე სპორტისა და შილა ტურიზმის ცენტრის დირექტორ გრიგოლ ჭიპაშვილთან ერთად, ბანაკის ბოლო დღეს ახალგაზრდებს შეხვდა, მათი შთაბეჭდილებები მოისმინა და აღნიშნა, რომ მერია ყოველთვის იქნება ასეთი პროექტების მხარდამჭერი.



შენ კაცო ყავა!

იმერეთში თვითმმართველობებს შორის მინი ფეხბურთის ჩემპიონატი მიმდინარეობს

„რწმუნებულის თასი“ მინი ფეხბურთში იმერეთის მუნიციპალიტეტის თვითმმართველობებს შორის გრძელდება. მორიგი თამაში ხარაგაულის სპორტდარბაზში გაიმართა და ერთმანეთს ხარაგაულისა და ვანის მუნიციპალიტეტის გუნდები დაუპირისპირდნენ.

მატჩი ხარაგაულის გუნდის გამარჯვებით 2:0 დასრულდა. შეხვედრას ხარაგაულისა და ვანის მუნიციპალიტეტის მერები და გულშემატკივრები ესწრებოდნენ.

ხარაგაულის თვითმმართველობის თავმჯდომარეობით და კომპლექტებულმა გუნდმა პირველი თამაში ბალდათთან 1:5 ნაგო, ხოლო ზესტაფონის თვითმმართველობის გუნდთან ფრე - 5:5 ითამაშა.

ალსანიშნავია, „რწმუნებულის თასი“ იმერეთის მხარის ინიციატივითა და მუნიციპალიტეტების მხარდაჭერით ხორციელდება და სპორტის პოპულარიზაციასა და ჯანსაღი ცხოვრების წესის დამკვიდრებას უწყობს ხელს.

მინი ფეხბურთის ფინალი 7 სექტემბერს გაიმართება.

ყურადღება, აუქციონი

ხარაგაულის მუნიციპალიტეტის საკუთრებაში არსებული უძრავი ქონების პრივატიზების მიზნით, ელექტრონული აუქციონი ცხადდება.

კერძოდ: სოფელ კიციში არასასოფლო-სამეურნეო დანიშნულების მიწა და მასზე მდგარი შენობა-ნაგებობა;

სოფელ სალანძილეთი: რკინის მილები (286 გრძივი მეტრი);

სოფელ ნადაბურში- არასასოფლო-სამეურნეო დანიშნულების მიწა და მასზე მდგარი შენობა-ნაგებობა;

გარდა ამისა, ელექტრონული აუქციონი ცხადდება უძრავი ქონების იჯარის ფორმით გაცემის მიზნით.

სოფელ ხევში სასოფლო-სამეურნეო დანიშნულების მიწა;

სოფელ თეთრანყაროში - შენობა-ნაგებობა.

დეტალური ინფორმაცია შეგიძლიათ იხილოთ საქართველოს ფინანსთა სამინისტროს მომსახურების სააგენტოს ვებ-გვერდზე: eauction.ge; აუქციონი 30 აგვისტოს დასრულდება.

ხარაგაულის მუნიციპალიტეტის მერია და საკრებულო ღრმა მწუხარებით იუნყებიან, რომ გარდაიცვალა დიდი სამამულო ომისა და შრომის ვეტერანი, საპატიო ხარაგაულელი **გიორგი (ჟორა) გლუაშვილი** და თანაუგრძობენ განსვენებულის ოჯახსა და სრულიად ხარაგაულის საზოგადოებას.

შენ კაცი იყავ!..

20 აგვისტოს მარადიულ გზაზე გაგაცილა ღირსეული შვილი შენი საფიცარი ხარაგაულის საზოგადოებამ. არსთა-გამრიგე წლები არ დაიშურა შენთვის ყველა იმ ღირსების გამოსავლინებლად, რომლითაც იზომება პიროვნების ამქვეყნიური ყოფა.

წარმოუთქვამი უმშვენიერეს გვარ-სახელს – გიორგი (ჟორა) გლუაშვილი - და თვალწინ წარმოგვიდგება ფიზიკური და სულიერი მშვენიერებით გამორჩეული ვაჟკაცი, რომლის მგზნებარე სიცოცხლეს მისაბამ მაგალითად დარჩება შთამომავლობისათვის.

„კაცი არ ყველა სწორია, დიდი ძეს კაცი კაცადის!“ - ბრძანებდა დიდი რუსთველი. ბატონო ჟორა, თქვენს პიროვნებასთან ეს მანძილი არ არსებობს, რადგან, როგორც გენი-ალური შექსპირი იტყობდა:

„შენ კაცი იყავ, ვით შეჰფერის კაცსა კაცობა!“

თქვენ ადამიანობის ძვირადღირებული ქულებით მარადიული, ხელთუქმნელი კაპიტალი დააგროვეთ - ქართვლისათვის ესოდენ სანეტარო, საოცნებო, ღვთიური მადლით გასხვივსებული.

უფალი გინამძღვრობდა, როცა თბილისის რკინიგზის ინსტიტუტის სტუდენტმა, ე.წ. „სამხედრო ჯაგუნის“

მიუხედავად, დროებით უარი თქვი სტუდენტის მშვიდობიან ცხოვრებაზე და იქ მიაშურე, სადაც ჩვენი ქვეყნისა და ხალხის ბედი წყდებოდა.

უფლის მადლი გიცავდათ, როცა თქვენი ათეულის ჯარისკაცმა ივანე კრასნიკოვმა თქვენკენ მომართული გერმანელის მახვილი აგაშორათ, რითაც ომის დასასრულს საშუალება მოგეცათ, რომ თვითმკვლელობისათვის (თუ ტყვედ ჩავარდებოდით!) გადანახული ტყვია გერმანიის ქალაქ შვერენში, ჩვენი გამარჯვებით ბედნიერს, ჰაერში მშვიდობიანი მისიით გაგესროლათ...

თქვენმა საამაყო თანამემამულემ, ხარაგაულის რეზო თავუკაშვილის სახელობის სახალხო ლიტერატურული თეატრის დამაარსებელმა ქალბატონმა იზა ვეფხვაძემ, თქვენი ზნემაღალი ცხოვრებისადმი მიძღნილი წიგნით „მოგონებების კრიალოსანი“, მართლაც კრიალოსანივით ჩამომარცვლა თქვენი კაცური ცხოვრების შთამბეჭდავი ეპიზოდები...

როგორც ომისა და შრომის ვეტერანს, როგორც გამორჩეულ პიროვნებას, არ დაკლებიათ ხელისუფლები-ბისაგან პატივი და აღიარება.

წლებადღე 9 მაისს, 96-ე წელში გადამდგარი, რომ ვე-



ლარ გიხილეთ გამარჯვების მემორიალთან, ცუდად გვენიშნა... თურმე ზეციურ ყოფასთან შესაერთებლად გამზადდებდათ ზენაარი...

თბილად ჩავიხუტათ ზარნის მშობლიურმა მიწამ. თქვენი ამქვეყნიური ცხოვრებით კი ჩვენს საზოგადოებას, საყვარელ ოჯახს, სახლობლოს, სამეგობროსა და ხარაგაულის მომავალ თაობებს კი მარადიული საგზალი დაუტოვეთ, საგზალი მოყვასის სიყვარულისა, ამქვეყნიური ვალის მოხდისა, კაცურკაცობისა!

ღვთიურმა ნათელმა გააკაშაპოს თქვენი იმქვეყნიური ყოფა და მარადიული მშვიდობა დაუმკვიდროს თქვენს წმინდა სულს!

ამინ! **გაზეთ „ახალი ხარაგაულის“** **სარედაქციო კოლეგია**